

Vinnuskólinn upplýsingar og starfsreglur sumarið 2019

Vinnuskóli Stykkishólmsbæjar
Þjónustumiðstöðinni
Nesvegi 7
Sími 4338164
Verkstjóri: Jón Beck, sími 892 1189
www.stykkisholmur.is

Stykkishólmsbær bíður nemendum í 7 - 10. bekk með lögheimili í Stykkishólmi sumarvinnu í Vinnuskólanum. Umsóknareyðublöðum er dreift í skólanum og einnig hægt að nálgast í Ráðhúsið. Umsóknum má skila til skólaritara eða í móttöku Ráðhússins að Hafnargötu 3, **síðasta lagi miðvikudaginn 17. maí 2019.**

Banka og launaupplýsingar:

Laun sem Vinnuskólinn greiðir eru lögð inn á bankareikning viðkomandi og því er mikilvægt að gefa upp réttar reikningsupplýsingar fyrir laun. Ungmenni yngri en 16 ára mega hafa tekjur upp að 180.000 kr. eftir það greiða þau 6% skatt. Þau greiða ekki í stéttarfélag eða lífeyrirssjóð. Ungmenni 16 ára og eldri greiða fullan skatt og í stéttarfélag og lífeyrirssjóð. Því er mikilvægt að þau tilgreini ónýttan persónuafslátt og ef þau hafa verið að vinna á árinu frá hvað dagsetningu má byrja að nýta hann. Upplýsingar um launamál veitir Ríkharður Hrafnkelsson mannauðs og launafulltrúi. Sími 433 8109. Netfang rikki@stykkisholmur.is

Yfirmenn og dagleg umsjón:

Vinnuskólinn starfar á vegum Stykkishólmsbæjar og tilheyrir þjónustumiðstöð. Dagleg stjórn Vinnuskólans er í höndum verkstjóra og flokkstjóra vinnuskóla. Verkstjóri vinnuskólans er Jón Beck Agnarsson. Sími 892 1189. Netfang thjonusta@stykkisholmur.is.

Verkefni og skyldur:

Markmið Vinnuskólans er að undirbúa ungmenni fyrir vinnu áður en haldið er út á hinn almenna vinnumarkað og skapa hollt og uppbyggjandi sumarstarf fyrir ungmenni í Stykkishólmsbæ. Lögð er áhersla á samskiptareglur, ástundun, vinnusemi og virðingu gagnvart vinnu, vinnufélögum, yfirmönnum og bæjarbúum. Einnig eru kynnt grundvallaratriði í vinnubrögðum og notkun verkfæra.

Helstu verkefni varða snyrtingu og fegrun bæjarins. Viðhald og umhirða við opinberar stofnanir, opin svæði, íþróttavöll og tjaldsvæði, þ.e. rakstur og hirðing, hreinsun við gangstéttar, hreinsun beða, hreinsun rusls, lagfæring göngustíga, klipping trjáa, málun leiktækja o.p.h.

Boðið verður upp á fræðslu t.d. öryggis og vinnuverndarnámskeið. Einnig er stefnt að vinnustaðaheimsóknum til kynningar.

Klæðnaður og nesti:

Klæðnaður þarf að vera í samræmi við **veður og vinnuaðstæður**. Morgunkaffi er í kringum 9:30, ca. 20 mínútur (muna nesti). Matartími er frá 12:00 – 13:00. Unglingar eiga að hafa með sér nesti til að neyta í morgunkaffitímum. Unglingar geta farið heim að borða í hádeginu.

Sumarleyfi:

Á umsóknareyðublaði er gert ráð fyrir að umsækjandi setja inn upplýsingar um áætlað sumarleyfi. Verði það ekki tilgreint er ekki gert ráð fyrir að starfsmaður taki sér frí. Upplýsingar um sumarleyfi er mikilvægar þannig að skipuleggja megi starfið betur.

Sjúkdómur/veikindi:

Verði ungmenni veikt á vinnutíma ber að hringja í verkstjóra í síma: **892 1189** (ekki SMS) kl 8:00 að morgni og tilkynna veikindi. Þetta er mjög mikilvægt til að auðvelda verkstjóra og flokkstjórum skipulagningu á störfum dagsins. Athugið að ungmenni fá ekki greidd laun fyrir þá daga sem veikindi vara. Á umsóknareyðublaði er hægt að setja inn sjúkdóma t.d. ofnæmi sem gætu haft áhrif á vinnu unglings og einnig upplýsingar um lækni.

Starfstími Vinnuskólans, laun og hvert á að mæta:

Unnið er virka daga mánudag – föstudag (nema sérstaklega sé samið um annað). Stjórnendur Vinnuskólans munu endurskoða vinnutíma eða vinnutímabilið með hliðsjón af fjölda umsókna og yrði það tilkynnt eins fljótt og því yrði komið við. **Reynslan er að vinnutímabil lengist. Stefnt er að eftirfarandi vinnutíma:**

| Árgangar | Laun kr/klst. | Vinnutímabil | Vinnutími |
|-----------------------------|---------------|----------------------|-----------------------------------------------------|
| 2003 (10. bekkur) og eldri | 1.371 | 11. júní - 16. ágúst | 7 klst. á dag í 10 vikur frá 8:00 til 16:00 |
| 2004 (9. bekkur) | 1.111 | 11. júní - 9. ágúst | 7 klst. á dag í 9 vikur frá 8:00 til 16:00 |
| 2005 (8. bekkur) | 912 | 11. júní - 19. júlí | 3,5 klst. á dag í 6 vikur frá 8:00 til 12:00 |
| 2006 (7. bekkur) | 714 | 11. júní - 19. júlí | 3,5 klst. á dag í 6 vikur frá 8:00 til 12:00 |

Vinnuskólinn hefst mánudaginn 11. júní 2019, mæting við „Þjónustumiðstöð“ Nesvegi 7 kl 8:00 stundvíslega.

(við hliðina á Dekk og Smur, hægra megin í sama húsi áður Áhaldahús).

Umsögn og viðurkenning:

- Gerð verður umsögn um frammistöðu að sumarstarfinu loknu. Forráðamenn og nemendur geta beðið um að fá slíka umsögn senda til sín.
- Umsögnin er í fjórum stigum: Mjög gott, gott, sæmilegt og ófullnægjandi.
- Eftirtalin atriði eru metin: stundvísi, framkoma, tekur fyrirmælum, vandvirkni, sjálfstæð vinnubrögð, samvinna, meðferð verkfæra og afköst.
- Helstu verkefna sumarsins er getið og flokkstjóri/verkstjóri gefur almenna umsögn í nokkrum setningum um frammistöðu.

Vinnuskólanum er skylt að kynna foreldrum ráðningarkjör, þar með talið lengd vinnutíma sem og tíðni óhappa og slysa sem hugsanlega tengjast starfinu. Fyllsta öryggis þarf að gæta í Vinnuskólum og leiðbeinendur þurfa að fá undirbúning um öryggismál áður en þeir hefja störf (426/1999 gr. 26).

Samkvæmt viðauka við ofangreinda reglugerð mega ungmenni undir 18 ára aldri ekki vinna með til dæmis vélknúnar trjáklippur, kjarsagir, sláttuvélar og jarðtætara. 15 ára og eldri mega vinna með garðsláttuvélar undir leiðsögn leiðbeinanda ásamt því að slá með vélorfi í görðum og aðstoða á gæsluvöllum og í skólagörðum svo eitthvað sé nefnt. 13 og 14 ára mega hreinsa illgresi, gróðursetja, hreinsa gróðurbeð, raka eftir slátt og sinna annarri sambærilegri garðvinnu. Þá mega þau vinna við blóm og grænmeti í gróðurhúsum, hreinsa, sópa og tína rusl, sinna málningarvinnu og fúavörn með umhverfissvænum efnum.

KYNNINGARFUNDUR

Kynningarfundur verður haldinn með umsækjendum um Vinnuskólans áður en starfsemin hefst, þar sem flokkstjórar verða kynntir, farið verður yfir verkefni sumarsins, skiptingu í hópa og helstu öryggis- og vinnureglur. Fundurinn verður auglýstur síðar og foreldrar/forráðamenn velkomnir með á fundinn.

Starfsreglur:

1. Vinnuskólinn er tóbaks- og vímuefnalaus vinnustaður þar með talið rafsígarettur.
2. Við skráningu í Vinnuskólann er litið svo á að ungmenni séu að sýna áhuga á að taka þátt í starfi skólans. Honum ber að vinna þau verkefni sem honum eru falin án þess að stöðugt þurfi að ganga eftir því að hann haldi sig að verki. Þá ber honum jafnframt að sýna öllum samstarfsmönnum sínum, flokksstjórum og yfirmönnum Vinnuskólans, svo og öllum bæjarbúum fyllstu kurteisi þegar hann er við vinnu.
3. Mæta ber stundvíslega til vinnu og skila fullum vinnudegi.
4. Ungmenni eiga að mæta á hverjum degi til vinnu nema til komi veikindi eða leyfi. Geðþóttamæting er ekki liðin.
5. Foreldrar/forráðamenn skulu tilkynna beint til viðkomandi flokksstjóra um veikindi eða leyfi, með því að hringja. Smáskilaboð (SMS) eru ekki tekin gild. Ekki er gert ráð fyrir sumarleyfi í Vinnuskólanum.
6. Ef ungmenni er fjarverandi án útskýringa í tvo daga í röð er honum vísað úr Vinnuskólanum.
7. Öll óútskýrð fjarvera verður dregin frá launum.
8. Ungmenni sem mætir of seint þrisvar sinnum er sent heim launalaust í einn dag.
9. Flokksstjóri hefur heimild til að senda ungmenni heim úr vinnu á vinnutíma vegna agabrota og skal flokksstjórinn þá hringja í forráðamenn og tilkynna ástæðu brottvikningar. Til þess þarf þó að vera rík ástæða og eru aðrar leiðir reyndar áður en til þessa úrræðis er gripið. Alvarleg brot á starfsreglun þýðir brottvísun að fullu.
10. Fara skal vel með verkfæri, stunda vinnuna samviskusamlega og fara eftir leiðbeiningum og fyrirmælum yfirmanna.
11. Laun eru greidd fyrir fræðsludaga ef viðkomandi tekur þátt í allri dagskránni af fullri einurð.
12. Ungmenni leggja sér sjálfir til allan hlífðarfatnað og skal hann vera samkvæmt aðstæðum og verkefnum. Öllum er ráðlagt að hafa með sér bakpoka og merkja fatnað, skó og stígvél.
13. Notkun farsíma við vinnu er óheimil nema með leyfi flokksstjóra.
14. Engin ábyrgð er tekin á fötum nemenda, reiðhjólum, farsímum eða öðrum hlutum sem nemendur taka með sér á vinnustað.
15. Unnið verður um allan bæ og því nauðsynlegt að mæta í vinnuna í fötum við hæfi, með hlífðarföt með sér.
16. Sé ungmenni með það alvarlegt ofnæmi að það hindri þátttöku í hefðbundnum störfum vinnuskólans ber honum að skila inn læknisvottorði því til staðfestingar við skráningu.
17. Ekki er gert ráð fyrir búðar rápi í vinnutímanum.
18. Ungmenni er skipað í vinnuflokka stundum eftir aldri. Þeir sem sitja saman í bekk eru ekki endilega vinnufélagar yfir sumarið. Allir þurfa að venjast því að vinna með hverjum sem er. Ungmenni þurfa að vera viðbúnir ýmsum breytingum sem geta varðað vinnusvæði, vinnutíma og vinnuhópa.